

Zeitschrift: Schwyzerlüt : Zyschrif für üsi schwyzerische Mundarte

Band: 26 (1964)

Heft: 2

Rubrik: Es Büscheli Matte-Meie

Autor: [s.n.]

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

Download PDF: 14.03.2025

ETH-Bibliothek Zürich, E-Periodica, <https://www.e-periodica.ch>

Es Büscheli Matte-Meie

Horner

Niene nüt as nasse Näbel
Über weichem, füechtem Schnee.
Jede Ton un alles Läbe
Schlücke sie, chasch nüt meh gseh.

Geisch desuus, de chasch nid wüsse,
Was da chunnt dür Wäg u Fäld.
Alles still u grau. Verlore
Stopfisch dür die änggi Wäldt.

Git es ächttert no ne Sunne
I der Höchi, Luft u Liecht,
Oder isch die ganzi Ärde,
Näbel, Nessi, Schnee u Biecht?

Oschtere

Schattehalb am Hogerrügge
Hange Fläre graue Schnee,
Schwynen i der Oschtersonne,
's aaperet jitz gäng wie meh.

D'Lämeli ar Hasle stübe,
D'Matte, d'Weide gruene scho,
Über Nacht hei d'Lärcheböimli
Guldig Chronen übercho.

Gschou, es flämmle gääl im Garte
Schlüsselbluemli, Tulipa.
Vejeli fingsch i de Heege.
Los, im heiterblaue Himel,

Wohl, der Blüejet chlopfet a!
Wo nes rosigs Wülchli zieht,
Jutzget höch die erschi Lerche
Wie ne Predig ihres Lied,

Singt, me müessi nume warte,
Mit der Zyt chöm alles guet,
Stärbe, Läbe, Wachse, Ryffe
Stangi fescht i Herrgotts Huet!

Laus Rägeli

Lysli falle fyni Tröpfli,
Netze Bsetzi, Härd u Gras.
Chilchsturm, Hüser, Höger, Wälder
Stange bleich wie hinger Glas.

Alles schnuufet uuf ir Hoschert.
Chrüttli, Böim u Heeg
Glänze frisch u spränge d'Chnopfli,
Machen ihrer Blüeschtl zwäg.

Na der Bysen u der Tröchni
Jitz dä Rägen u der Föhn –
Morn scho, wär weiss, blüeje d'Chirschi!
Liebi Wäldt, wie bisch du schön!

Braachetsunne

s'isch toppig heiss, u d'Sunne sticht.
Die Chrüttli gruppe lueme.
Im Ried sy d'Greser chlingeldür,
Es lampe Loub u Blueme.

Erlächnet durschte d'Gartebett,
Der Bode lyt verschrisse,
D'Hitz het ihm alle Säge gno
U Chirnnen in ihn bisse.

Dir sälber hocket's bleischwär uf
Wie Bach rünnts a der ache,
Der Chopf isch wie ne Mühlstei,
U d'Glieder wei nid nache.

U dyner Ouge schmirze di,
Vo wysse Wulche bländet,
Wo sattli über d'Bärge flieh,
Mit rotem Füür umrändet.

Und alles planget, Mönsch u Tier
U Boum u Halm u Bletter:
Herrgot, mir gstange's nümmen uus,
Schick ändtlig anger Wätter!

Im Herbschtmonet

Über nasse Decher dampfet
Näbel, wo i d'Höchi wetti.
Dünne Faderäge stampfet
Drüber, wie-n-er Freud dra hätti,
D'Stadt im teigge, graue, weiche
Südelwätter la z'ertreiche.

Lueg, uf ds Mal verteilet d'Sunne
Ds douchle Gwülch, schynt schreg z'dürache,
Gly scho het sie z'vollem gwunne,
Gäng descht heiterer rückt's nache,
Un am höche Himmel zoge
Böglet si ne Rägeboge.

Un es luschtigs Lüftli flötet,
Wüscht der hingerscht Näbel dänne,
Wo no i den Egge beitet.
Farbe glitzeren u brönne,
D'Stadt steit früsich wie ime zarte
Morgetou u Mejegarte!

E mängi Wälle . . .

E mängi Wälle, wo isch cho,
Wie we sie alls wett z'Fätze schla,
Isch chlyn im Sang verloffte . . .
Sie het am Bord der Chräbsgang gno
U niemere ne Chräbel ta,
Kes Würzeli het sie troffe . . .

Me darf nid alles stotzig näh,
Wo tuet, wie's alls wett frässe.
Es isch nid halb so gfährlig!
Us mängem, wo het höch aagä,
Wird nüt, 's isch gschwing vergässe,
U nidemal e Jährlig!

Us de Bärner Mundartliedli

Bin im Wald em Grebli na
I de grünen Eiche –
Gsehn-i dert es Rehli stah,
wo wott Wasser treiche.
Han ihm wölle necher cho,
Gredi bin i gange –
s'luegt verschmeiet, schiesst dervo,
bi e-lei-ni gstange.
Büebli, we d'es Rehli gsesch,
Süferli, sünsch springt es!
Büebli, we d'es Schätzeli hesch,
Häb's fescht, sünsch ertrünnt es!

Uszeichnige

1949 Lehrauftrag vo der Universität Züri für Chinderpsychologie.

1953 Ehredokter (Dr. phil. h. c.) vo der Universität Bärn.

1956 Lehruftrag vo der Universität Bärn für Chinderpsychologie.

Literaturpryse vo der Schwyzerische Schillerstiftig 1918,
1942, 1949.

Literaturpryse vo der Stadt Bern 1942, 1953, 1963.

1958 Ehredokter vo der Universität Heidelbärg
(Dr. med. h. c.).